



Մոսկվայում ստիստանքն է սկսել ԽՍՀՄ ժողովրդական դեպուտատների երկրորդ համագումարը

ՀԱՅԿԱԿԱՆ ԽՍՀ-ԻՑ ԵՎ ԼՂԻՄ-ԻՑ ԽՍՀՄ ԺՈՂՈՎՐԴԱԿԱՆ ԴԵՊՈՒՏԱՏՆԵՐԻ Հ Ա Յ Տ Ա Ր Ա Ր ՈՒ Թ Յ ՈՒ Ն Ը

ԽՍՀՄ ԺՈՂՈՎՐԴԱԿԱՆ ԴԵՊՈՒՏԱՏՆԵՐԻ II ՀԱՄԱԳՈՒՄԱՐՈՒՄ, 1989 ԹՎԱԿԱՆԻ ԴԵԿՏԵՄԲԵՐԻ 12-ԻՆ

ԽՍՀՄ ժողովրդական դեպուտատների առաջին համագումարը Գերագույն խորհրդին հանձնարարել էր ուսումնասիրել ԼՂԻՄ-ում տիրող իրադրությունը և հարցը քննարկել նստաշրջանում: Սակայն, նստաշրջանի աշխատանքի վերջին օրը՝ 1989 թվականի նոյեմբերի 28-ին, Գերագույն խորհրդի նիստում հանձնաժողովի եզրակացության հրապարակման ու քննարկման փոխարեն ԽՍՀՄ Գերագույն խորհրդի նախագահության անունից ներկայացվեց որոշման նախագիծ, որը նախագահությունում չէր քննարկվել: Այդ նախագծին նախապես չէին ծանոթացել նաև Գերագույն խորհրդի անդամները: Գերագույն խորհրդի նախագահությունը լիովին անտեսեց տեղում պրոքլեմն ուսումնասիրած հանձնաժողովի կարծիքը, պարտադրեց իր նախագիծն ու քննարկման իր պիտեման: Ի նշան բողոքի, ինչպես հայտնի է, Հայկական ԽՍՀ-ի և ԼՂԻՄ-ի ժողովրդական դեպուտատները հարկադրված էին հեռանալ դահլիճից: Հայ ժողովուրդը չճանաչեց այդ որոշումը, որն իր արտացոլումը գտավ հայ ժողովրդի երկու մասերի վերամիավորման մասին Հայկական ԽՍՀ Գերագույն խորհրդի և Լեռնային Ղարաբաղի Ազգային խորհրդի համատեղ որոշման մեջ:

Գերագույն խորհրդի ընդունած հապճեպ որոշումը չհիան-

գեցրեց լարվածության թուլացմանը ռեզիդնում, ավելին՝ իրադրությունը կտրուկ սրվեց: Հակառակ ԽՍՀՄ Գերագույն խորհրդի որոշման, շրջափակումը այսօր էլ շարունակվում է: Չեն դադարեցվում վանդալիզմի ակտերը, ուժեղացել է հայ բնակչության բռնագաղթի հոսանքը:

Համոզված լինելով, որ դեպուտատների ճնշող մեծամասնությունը անաչառ ինֆորմացիա չի ստացել հարցի էության և ռեզիդնում տիրող իրադրության վերաբերյալ, Հայաստանի և ԼՂԻՄ-ի ժողովրդական դեպուտատները ԽՍՀՄ Գերագույն խորհրդի նախագահությունից պարզաբանումներ են պահանջում երկրի պառլամենտի գործունեության դեմոկրատական նորմաների և արարողակարգերի խախտման առթիվ: Հույս և վստահություն ենք հայտնում, որ համագումարը չեղյալ կհամարի Գերագույն խորհրդի մնանկ որոշումները և կձեռնարկի այնպիսի միջոցառումներ, որոնք կպարտավորեցնեն հարգել պառլամենտը:

Հայտարարությունը Հայկական ԽՍՀ-ից և ԼՂԻՄ-ից ԽՍՀՄ ժողովրդական դեպուտատների հանձնարարությանը հրապարակեց ԽՍՀՄ ժողովրդական դեպուտատ Հ. ԻԳԻԹՅԱՆԸ